



子平精粹②

郑同/点校

秘授滴天髓阐微

〔宋〕京图/原著 〔明〕刘伯温/著 〔清〕任铁旗/注



 華齡出版社

子平精粹

②

秘授滴天髓闡微

郑同 点校

〔宋〕京图 原著

〔明〕刘伯温 著

〔清〕任铁樵 注



華齡出版社

子平精粹

PDG

责任编辑：李成志

责任印制：李浩玉

图书在版编目 (CIP) 数据

子平精粹. 2/ (明) 刘伯温著; (清) 任铁樵注; 郑同点校.

—北京: 华龄出版社, 2010. 1

ISBN 978-7-80178-711-8

I. 子... II. ①刘... ②任... ③郑... III. 命书—研究—中国
IV. B992. 3

中国版本图书馆 CIP 数据核字 (2009) 第 225545 号

声明：依据《中华人民共和国著作权法》及《中华人民共和国著作权法实施条例》，本书整理者依法享有本书的著作权。凡大量引用、节录、摘抄本书内容的，请先与出版社联系。未经出版社及整理者许可，不得以任何方式翻印本书。

书 名：子平精粹. 2 (秘授滴天髓阐微)

作 者：(宋) 京图原著 (明) 刘伯温著 (清) 任铁樵注 郑同点校

出版发行：华龄出版社

印 刷：北京画中画印刷有限公司

版 次：2010 年 1 月第 1 版 2010 年 1 月第 1 次印刷

开 本：787×1092 1/16

印 张：25.50

字 数：326 千字

印 数：1~2000 册


定 价：98.00 元

地 址：北京市西城区鼓楼西大街 41 号

邮 编：100009

电 话：(010) 84044445

传 真：84039173



滴天髓序

不见夫气之塞乎两间而弥六合乎？沛然而达，灼然而炎，蕃然而昌，毅然而刚，厚然而载。五者，气之中循而不息者也，故谓之“行”。虽然气行矣，而决而焚而翳而跃而坟焉，气之过也；而竭而熄而拔而炼而崩焉，气之不及也。人受中以生，而万有不齐，过不及之所致也。日者以人始生年月日时干支相生胜衰死旺相斟酌，推人寿夭贵贱利不利，其理岂有异哉！若权焉衡，诚悬不可欺以轻重，此子平用财官印食、贵人禄马之微意也。

子平之言，庞杂歧出，近理而著验者，莫如《神峰辟谬》。神峰以损益病药立说，克提要而钓元已。及观《滴天髓》，然后知其论之所本，而未啻厥旨也。夫以神听者，学在骨髓俞跗之治病也，克病之应，因五藏之输而搦其髓，故能湔浣肠胃，炼精易气。若《滴天髓》者，诚可谓抉天人性命之精而沥其髓矣。

其论命专取八格，而不及影响遥系杂气诸格。则择之精也，以日为主，以月合之用神为的而消息，于年时则语之详也。源流有清浊，形象有真假，性情有刚柔，气势有顺逆。当王而旺，得辅而强，常也。或失其令，则为愁为合；为知为好者，吉不终吉。或得其地，则为忌为害；为冲为激者，凶不全凶。情乖而偶反为仇，或气孚而敌反为好，或母克而子复讎，或兄柔而妹处室，贞元递运，损益用中，皆命理之髓也。呜呼，至矣！是书世

少流传，吴门顾石侍讲精命术，每奉为鸿宾，不以示人。余欲惜其传，虑无以为知命之君子诏也。爰正鲁鱼，付剞劂氏。若夫以为京图之撰，刘基之注，则传无明文，不敢从而附会之也。

道光四年岁在阙逢沼滩日月会，娄之次白岳黄石滩渔隐程芝云撰。

袁 序

壬申孟冬，句章衡园主人，偕其哲嗣篁斋，及老友陈君莘庄、林君茹香因事来镇，乃蒙谬采虚声，引为知命，召余宴饮于李氏挹江楼上，一见倾心。知为豪杰之士，余赠诗有句云：“相逢邂逅浑如旧，闲话阴阳共乐天。”篁斋工诗能文，其酬诗有云：“愧我十年初学易，心欣康节乐追陪。”虚怀若谷，令人心折。

翌日，孙君偶以精抄本任铁樵先生增注之《滴天髓阐微》见示，余披阅至再，知其以古本《滴天髓》正文为纲，古注为目，古注外复增新注，阐发要旨，并于逐条排列命造以资佐证，学宗陈沈，笔有炉锤，理必求精，语无泛设，诚命学中罕见之孤本也。及观观复居士原《跋》，乃如此书为海宁陈氏藏本，并谓“安得有心人，寿诸梨枣，以广流传”。余遂起谓主人曰：“尝闻张文襄公云：‘立名不朽，莫如刊布古书？其书终古不废，则刻书之人终古不泯。’且刻书者传先哲之精蕴，启后学之颛蒙；亦利济之先务，积善之雅谈；君其留意及之。”语未竟，主人跃然曰：“此书论命有道，写作俱佳，余早有影印出版，公诸同好之心。”篁斋又曰：“家大人谋印此书，筹之熟矣。”陈君林君复谓余曰：“吾等力任校讎，乞先生以言弁其首，可乎？”余颌之。

今岁初夏，篁斋果以是书影印本四卷邮寄至镇，并函索序言，以践前约。余回环盥诵，至《卷二》第四十五叶，载有铁樵先生命造，为癸巳、戊午、丙午、壬辰，始知先生乃乾隆廿八年四月十八日辰时生，观其叙述本命有曰：“上不能继父志以成名，下不能守田园而务本。”始知先生之先

德，必为名宦；先生之家产，必为中人。又曰：“至卯运，壬水绝地，阳刃逢生，变生骨肉，家产荡然。”又曰：“先严逝后，潜心命学，计为糊口。”始知先生学命之年，已逾三旬矣。又曰：“予赋性古拙，无谄态，多傲骨；交游往来，落落寡合。所凜凜者，吾祖若父，忠厚之训，不敢失坠。”吾于是知先生之人格，必为亮节高风，安贫乐道也。再证以《卷三》第十二叶，某君癸巳命，有曰：“余造年月日皆同，换一壬辰时，弱杀不能相制。亦有六弟，得力者早亡，其余皆不肖，以致受累破家。”吾于是知先生之友于兄弟，困苦不辞也。再证以《卷二》第七十四叶，某饬生壬子命，有云：“丁巳运，连遭回禄。”查该生之命，五十六岁始行丁运；适在道光二十七年，岁次丁未。可以知先生寿已七十有五，犹垂帘卖卜，勤勤恳恳，为人推命也。观复居士原《跋》，谓陈君言：“任先生何时人，吾生也晚，不及知。”此殆未观全书，而不谙命学之故。

至任先生里居，原书未载，不敢臆断。然观其书中增注，大都采自《命理约言》、《子平真诠》。《约言》为海宁陈相国素庵著，《真诠》为山阴沈进士孝瞻著，二公皆浙人也。其书世无刊本，间有私家传抄，亦必浙人为多。且陈相国谢世于康熙五年，沈进士通籍于乾隆四年，以先生乾隆三十八年诞生计之，其相距远亦不过甫逾百年，近仅数十年耳。由是观之，先生殆亦为浙人乎？

《约言》、《真诠》学说，余素所服膺，曩著《命理探原》，采录不少。然以铁樵先生之《阐微》较之，又有泰山培塿之判矣。盖先生研精覃思，匪伊朝夕，故能综贯本末，发为文章。其论五行生克衰旺颠倒之理，固极玄妙，而尤以“旺者宜克，旺极宜泄”、“弱者宜生，弱极宜克”二条，最为精湛。至云“人有厚薄，山川不同，命有贵贱，世德悬殊”，此又以天命而合地利、人事言也。故其为人论命，尝曰：“某造纯粹中和，太平宰相；某造仕路清高，才华卓越；某造经营获利，勤俭成功；某造背井离乡，润

身富屋；某造贪婪无厌，性情乖张；某造挥金如土，破家亡身；某造不事生产，必有后灾；某造出身贫寒，为人贤淑；某造青年守节，教子成名；某造爱富嫌贫，背夫弃子；某造若不急流勇退，能无意外风波；某造蒲柳望秋而凋，松柏经霜弥茂。”衮衮斧钺，莫不各具苦心；大义微言，要皆有关世道。古之君子所谓“既没而言立”者，其在斯人乎？读者若徒以命学观之，举一遗二，见寸昧尺，其亦有负衡园乔梓影印流传之盛意也已。

民国二十二年，岁次癸酉夏五月庚寅
朔越二十有一日庚戌，镇江袁树珊撰

孙序

命理之学，由来久矣。古之言命者，简而赅，故庖牺曰“正命”，仲尼曰“天命”，老聃曰“复命”，类皆以得之于天，赋之于人者，正其性，循其理，以安其命而已。后世不安于天理之自然，旁趋曲解，以取悦当世，盖鹜于理之外而流于术，牵引附会，学者遂愈趋而愈歧。虽然以理定命者，所谓以简御繁，固为顺天之正；而以术合理者，果能以繁就简，亦足探命之原。特精斯道者之不数观耳。

《滴天髓》一书，相传为京园撰，刘诚意注，取通神六亲为两大纲。自《天道》至《贞元》，凡分六十二章。析理竟原，悉臻微妙。第其辞旨古奥，学者病之。余夙好星命之学，暇辄披览，亦患少心得。去岁有持示是编者，读任铁樵先生增注，喜其分篇诠释，援格举证，于天地阴阳之分化，三元五行之推旋，反覆引申，辞明理达，使曩所捍格者，罔不触类旁通，翕归于理。其为作者功臣，而足以津梁后学，信矣。

逮观观复居士书后，始知书藏海宁陈氏，为观复假于陈而手录之者，原刻已毁于火，则斯篇已为海内孤本，弥可宝贵。向使陈氏秘藏，不以示人。虽示人，而无若观复之乐为手录者，是书安得复见于世耶？今既幸见之，苟无以善其后，终至若陈氏原本之归于湮没。且绎观复书后语意，非广为流传，寿诸梨枣，不大负增注者启发古书之精蕴，手录者嘉惠后学之苦心乎？爰付影印，公诸同好，署曰《阐微》，异于众也。

惜观复居士不详其时代姓氏，仅于文字间译其言而察其行，殆亦古之安命达理、好术数而邃于学，所谓隐君子之流亚欤？方斯人欲横流之世，

使读者鉴其盈虚消长之理，示天心之默运，范世道于隐微，俾顽者傲，靡者奋，岂不足为觉世牖民之一助哉！天下事莫非缘法，兹编秘藏于陈氏有年矣。既得铁樵之增注，观复之手录，复及余为之刊行，数子者生不并代而志同道合，此中之展转引致，虽曰人事，夫岂偶然哉！

中华民国二十二年岁次癸酉五月蕙园主人识

序

《滴天髓》一书，研命学者莫不奉为环宝。刘青田之注，固多发挥，然犹略而不详。清道光朝，任氏铁樵《阐微》增注，始大发厥词，不特抉原书之精蕴，抑且补前贤之不逮。至各条之下，系以命造，评论简明，借资印证，尤足为后学之津梁也。惜原书仅有抄本，未受剗削。民国壬申冬，四明孙蘅甫先生因公过镇，与袁师树珊商量旧学，出示此编袁师击节赞美，为之校勘讹脱，凡二百零一条。蘅甫先生惧其湮没，斥资影印，仅赠知交，未登贾肆，是故流传不广，觅读为难，同好每引以为憾。

庚辰秋，海上大东书局创议制版，复勾袁师及张恒夫、洪懋森、任可鑫诸先生，详加校讎。旋因军兴，版未成而中辍。予闻之喟然。书之传不传，其有幸有不幸也欤？丙戌冬，曹子砺兄自内地来沪，赖其赞助，并承大东当局慨让，归予续版印行。校订之责，自无傍贷。耗时两月，始克藏事。不惮辞费，复增补《初学捷方径四十二则》，借为有志于此者入门之一助。

予尝谓命学犹医学，看命犹医师，检视人之体质耳。苟能察其本而究其标，告以吉凶，知所从违，不亦上工治未病之意乎？或谓任氏原注不少偏激之语，要亦见仁见智之偶殊，姑存庐面，容当别为文以论之。校补既竟，爰弁言于简端，聊识其颠末云尔。

民国卅六年，岁次丁亥春正月，镇江李雨田识于沪上



秘授滴天髓阐微卷首	1
初学捷径	1
本 原	2
起 例	14
神 煞	26
看命要诀	32
秘授滴天髓阐微卷一 通神论	37
天 道	37
地 道	37
人 道	38
知 命	39

理 气	42
配 合	44
天 干	46
地 支	53
干支总论	63
形 象	84
方局（上）	97
秘授滴天髓阐微卷二 通神论	101
方局（下）	101
八 格	107
体 用	114
精 神	117
月 令	120
生 时	122
衰 旺	123
中 和	135
源 流	137
通 关	140
官 杀	143
伤 官	160
清 气	175
浊 气	177
真 神	180
假 神	182
刚 柔	185

顺 逆	188
寒 暖	190
燥 湿	193
隐 显	196
众 寡	197
震 兑	199
坎 离	203
秘授滴天髓阐微卷三 六亲论	207
夫 妻	207
子 女	210
父 母	215
兄 弟	218
何知章	220
女命章	240
小 儿	257
才 德	261
奋 郁	264
恩 怨	267
闲 神	269
从 象	274
化 象	280
假 从	283
假 化	287
秘授滴天髓阐微卷四 六亲论	291
顺 局	291

反局	296
战局	306
合局	310
君象	315
臣象	316
母象	319
子象	320
性情	322
疾病	343
出身	360
地位	376
岁运	385
贞元	391

秘授滴天髓闡微卷首

初学捷径^①

本书《卷首》原有《初学捷径》一篇，惟次序凌乱，阙略甚多，不辞简陋，爰就学命所得，兼采《渊海子平》、《神峰通考》、《三命通会》、《子平真途》、《命理约言》、《命学玄通》、《命理探原》等书，节要增补。原书间有似是而非者，稍加厘正，借便初学，非敢谓为尽当也。

雨田识

^① 李雨田增补。

本 原

天干地支

甲、乙、丙、丁、戊、己、庚、辛、壬、癸，此为十天干。

子、丑、寅、卯、辰、巳、午、未、申、酉、戌、亥，此为十二地支。

干支阴阳

甲、丙、戊、庚、壬为阳，乙、丁、己、辛、癸为阴。

子、寅、辰、午、申、戌为阳，丑、卯、巳、未、酉、亥为阴。^①

地支生肖

子肖鼠，丑肖牛，寅肖虎，卯肖兔，辰肖龙，巳肖蛇。

午肖马，未肖羊，申肖猴，酉肖鸡，戌肖犬，亥肖猪。

^① 子午为阳中之阴，巳亥为阴中之阳。